



UNIVERSITÄTS-
BIBLIOTHEK
PADERBORN

Universitätsbibliothek Paderborn

Het Leven Vande H. Maghet Geertrvyt Abdisse Tot Eisleben

Gertrudis <de Helfta>

T'Hantvverpen, [1607]

Van Het bundelken van myrrhe. Dat XLII. Capittel.

urn:nbn:de:hbz:466:1-43080

cleyn acht: want noyt en iſt ſonder vzychten datmen het Crucifix met aendachticheydt aenſiet.

Item alſſe op eenen anderen tijdt haren Gheſt becommert hadde met de Paſſie des Heeren/ heeftſe geleert: dat ſo wanneer pemant herknout met ouerdencken de ghebeden ende leſinge der Paſſie ons Heeren/ dat ſulcken oefſeninghe van ontpndelycke hoogher weerde is dan eenige andere/ want gelyck het onmoghe-lyck is dat pemant het meel handelt/ ende niet beſtoven en woxt: ſo oock en cant niet zyn dat pemant met deuotie/ hoe cleyne ſy oock ware/ dencke op de Paſſie des Heeren/ ende daer geen profijt af en geniete. Ende oock als pemandt wat leest vande Paſſie / te minſten ſoo maecht hy ſijn ſiele gereet om vzychten te ontfangen/ ſo dat veel profytelicker is de oefſeninghe van een die ſyn meyninghe ſtiert om de Paſſie des Heeren te handelē/ als van een die ſyn opſicht neemt op ander ſaken ſonder de Paſſie des Heeren. Waerom laet ons beſozght zyn dickwils wat vande Paſſie des Heere te ouerdencken: op datſe ons worde als honsch indē mont ende een ſoet gheclanck inder dozen / ende een blydſchap int herte.

de vrucht vande Paſſie te ouerdencken.

Van het bundelken van myrrhe,

DAT XLII. CAPITTEL.

Op eenen nacht ſoo ſy ontrent haer bedde hadde een Crucifix dat r haertwaerts ſcheft te willen omballen/ dat oprechtende als ſeeft betoonende ſp Zack ſy dat aen: O alderſoetſten Jeſuken/ waerom buyght ghy v/ waer op hy terſont

Noteert
dat als de
Catholijc-
ken de beel-
den aen-
sprekē dat
se hun
meyninghe
sieren na
hemvuis
figure dat
s' beeldt
uoert, ende
dat is oock
te verstaē
in alle seest
bewijsin-
ghe.

Cant. 1.
In tegen-
spoet en
s' varichz
vratmen
doen sal

terstont antwoorde: De liefde van mijn Gods
delijck herte die treckt my ruwaerts. Waer
ouer sy nemende dat beeldē heeft dat gestelt
op haer herte/soetelijcks druckende/ende met
omheltingen ende kuskens minnelijcheyt be-
toonende/ heeftse gheseyt: Mijnen beminden is
my een bundelken van myrthe. Welckens betē
vervolgh de Heere als wt haren mont nemende/
heeft hy daer op gheseyt. Dese sal tusschen
mijn borsten wonen. Waer mede hy haer dit
berstant geschoncken heeft. Dat elck alle sijn
swaricheden ende tegenspoet/soo van het herte
als van het lichaem neerstelijcken moet inboe-
ghen in sijn heplighste Passie / al eens oft ve-
mant eenen steck wilde steken int midden vā
een bundelken myrthe/ te weten: als yemant
bestwaert zijnde met tegenstryt verweckt wort
tot onberduldicheyt / laet dien ouerdencken de
wonderlijcke lytsaemheyt vāde Sone Gods/
die als het aldersaechtmoedichste latnmeken
ghedragen zijnde om vooz onse salicheydt ten
offer ghedoot te worden/sijnen mont niet ge-
pent en heeft tot eenich onberduldich woorde.
Alst dan oock den mensche gebeurt dat hy sijn
swaricheyt in eenigerley maniere soude conne
wzeken/ t'z met wercken oft met woorde/
laet hem in sijn herte neerstelijck ouerlegghen
met wat een soeticheyt des herten sijnē bemin-
der geensins quaet vooz quaet stellende/ hem
seluen / ia oock niet met het minste woorde ghe-
broken en heeft: maer al dat hy gheleden heeft
dat heeft hy met het beste vergolden / als hy
sulcke die hem totter doot toe vervolghet hebbē/
dooz de selfste syne Passie en doot verlost heeft/
ende soo na het voozbeelt vanden Heere laet
hem leeren goet vooz quaet stellen.

Item

Item is dat yemant onsteking wort tot haer
 tegen die hem schadelijc geweest sijn / laet hem
 gedachtich sijn die ouerdragende soeticheydt /
 waer dooz den liefsten Sone Godts int midde
 van die onwtsprekelijcke smerten des lydens
 ende pijnen des doots ghebeden heeft booz die
 hem cruyften / seggende: Vader vergeeft het hem,
 &c. Ende inde bereeninghe van die liefde laet
 hy hem beneerstigen te bidden booz sijn tegen
 stridders. Ende de Heere heeft daer noch by ge
 boecht. Soo wie sijn teghenspoet ende swaric
 heyt stekende in het bundelke van mijn Passie
 daer inne wint / en na het boozbeeldt van mijn
 Passie hem instekende doozt beneerstighen des
 nabolghens hem rontom bevesticht heeft / die
 sal waerachtelijck tusschen mijn borsten woo
 nen / so dat ick hem dooz een sonderlinge liefde
 geuen sal / al dat ick dooz mijn verduchichheydt
 ende andere deughden verdient hebbe tot ver
 meerderinge van sijn verdiensten. Waer op sy
 Hoe Heere hoe staet het v aen / dat sommige soo
 gesint sijn tot het beelt van v cruyts? Hier op
 de Heere: dat is my aenghenaem. Maer noch
 tans om datse ghesint sijn tot mijn beelt / ende
 niet en volgen het boozbeeldt van mijn lyde int
 nacomen / dat sien ick aen / by gelijckenisse / ge
 lijck een ionck dochterken van haer moeder
 soude mogen nemen / waer dat sy haer op ver
 scheyden maniere cleedde na haer welbehagen
 ende na haren staet / ende nochtans niet en
 volchde den sin van dochterken / ia daer en
 bouen somtijds hart toe sprake / haren sinne
 weygerende. Want soo langhe als de moeder
 wilst te consenteren het gene het dochterken
 liefste hadde / soo acht het sulcks als haer van
 haer moeder gegeuen is / te minder: want het
 meynit

Hoe dat
 me moet
 ghesint
 zijn tot
 het cruyts.

Ghelijc
 kenisse.

meent dat haer moeder haer die cleeren gheeft
na den inbal van haer eygen glorie / ende niet
wt eenen soeten treck t'haerwaerts / soo docht
alle de sinnelijckheyt / eer / ende dienst diemen
aent beelt van mijn cruyts doet / en connen my
niet te vollen smaken / soo lange als den men-
sche hem niet en beneersticht het boozbeelt van
mijn lijden na te volghen.

Vant beelt des Crucifix.

DAT XLIII. CAPITTEL.

Sp was seer sochbuldich om te crijghen het
beelt van H. Cruys / op dese dat dichts
ter liefden van haren Heere soude eeren.
Maer doe wertse wederhouwen van haer con-
scientie: want sy vreesde datse dooz soedanighe
oeffeninge soude mogen belet geworde hebben
van genieten vande binnenste gauen Godts.
Waer ouer sy dock vanden Heere sulcken ant-
woort ghecreghen heeft. En wilt niet vreesen
liefste / want ghy en sult gheenssins daer dooz
mogen belet worden inden Geest / als ic alleen
ben de oorsake van v becommeninghe / ende ic
belijde dat my niet wepnigh aengenaem en is
de neerstighe deuotie / waer dooz yemant ghe-
sint is tot het beelt van mijn cruytcinge. Ende
ghelijck het plochte te ghebeuren / dat eenen Co-
ninck / hebbende sijn ouerbeminde bzuyp / met
de welke ouermidts dat hy niet gheduerich en
tan zijn / somtijden sijnen liefsten neue laet in
sijn plaetse / aenden welcke wat vrientschapp
ende minnelijckheyt de bzuyp bewijst / hy den
bzuypdegom dat acht oft hem ghebeurt want
om dat hy wel weet dat sy dat doet / niet wt
onbe-

Wanneer
dat Chri-
sto aenge-
naem is
datmen
het cruyts
eert.